

Fida Nyamesemka: Dzifuu 16, 2013.  
(Friday sermon – 16<sup>th</sup> August, 2013 – Fante Translation)

**MBRE AHMADIYYA TSE.**

Aber a okrantsee Tashahud na Sura Al Fatiha wiee no, Huzur Agdas kaa de:

Nda kakra a etwa mu ko no menye dzibewdzifo bi dzii mbisase ma odaa edzi de owo de nsem bi wo ho a midzi ho ebooboo. Dem nsem yi ho hia ma hen kuwmba binom. Demara so na ohia de nsem bi wo ho a owo de yedzi ho ebooboo onam dzibewdzifo hon yieye ntsi. Dza owo de meka biara som bo kese ma Jama'at a wowo wiadze ne fenandze nyinara; de mbre osom bo eso oye mfaso ma Jama'at a wowo ha yi. Bio, nsem yi so hia papaapa ma awow ntotoado fofor a wobeye Ahmadiyyafo, onye hon a woka kuw yi ho a wonnkentsen hon ho na wommfa honho nhye Jama'at ne ndwuma mu.

Nsempow a medze roboto obiara n'enyim nye dza wonntaa nndzi ho ebooboo wo baguamu eso wonntsi mu yie. Asempakatrefo, murabbifo na dzibewdzifo so nntsi nsem no mu wo kwan a nkye owo de woka no do ma onam dem ntsi nsembisa bi ma hon tsir do wo binom hon adwen mu- mbom wommbisa dem nsembisa yi. Mbrentse na nkataasia na iyi twa fa hon ho. Wodwen de nkorofu anaa hon mpanyinfo anaa hon awofu, anaa dzibewdzifo bohu hon nsembisa no de omuo anaade wobehen ahokyer bi mu.

Nokwarsem nye de, nkye nkitahodzi beda hon ntamu a oma wotaa bisabisa hon nsempatrefo, dzibewdzifo a wowo Jama'at yi mu no anaa annye yie koraa no ekuwekuw no hon banodzifo tse de Khuddamul Ahmadiyya anaaso Lajna Imaillah. Iyi bema nkye hon adwen mu ador ma woeyi dza hon adwen mu ye hon konsee wo ho na dza wonntse ase no akwa. Wobotum, de mbre otse noara, akyerew abre me, na binom fi mbeambea kyerew bre me; ha so mpo tse demara wo ber a wodze obu na enyidze reye ma hon nsembisa no so woyi hon ano. Otse den mpo a, odaa edzi de dzibewdzifo binom nnyi nyimdzee wo dwuma a owo de wodzi noho yie eso wonnhye dza hon edwuma rohwehwe no ma.

Dza merebeka no otwa fa nyimdzee na nhyehyee a owo hen gyedzi ho eso ofa no siantsir a yeetsim wo gyedzi na nhyehyee pokyee bi mu. Demara so na woka biribi kyere hen de yenyee a owo de yehu siantsir a onam do ma wode yendzi dem dwuma no na dem dwumadzi no ye adze a ohia ma Ahmadiyyanyi biara. Se yedze aforbwo wo sika mu ye mfatoho de oye dza owo de yeye a, nkorofu pe de wuhu mu pefee. Afei dzibewdzifo hon dwumadzi wo ho a ofa no mbre wobedzi ma edzi mu. Owo de wuhu mbre hon tum n'ano kepa. dem ntsi mobotwe hom adwen egyina nsem ebien yi ho tsiabaa.

Dza odzi kan a ose de yekasa ho no fa hen gyedzi ho na ohia papaapa de Ahmadiyyanyi biara hu iyi na yetaa ka ho nsem, mbom yennka no de mbre ofata anaade yemmfaa nnto hen adwen do. Hen dom no hon ntsetsee na nwomasua no hia de yebekasa ho na yeakyere mu yie. Dza yesusu nye de Ahmadiyyanyi biara a wowo no too som no mu nyim dem ndzemba yi nyinara eso onyim botae a onam do ma wodze Anohoba Mesia (ANN) baa wiadze na hia a ohia de wogye no to mu. Hon a wobekaa Jama'at yi ho no, de mbre otse no, nyim dem ndzemba yi osiande ansaana worebeye agyedzifo no nna wakenkan na woesua dem ndzemba yi dada. Mbom, de mbre mekaa no, dem nkorofu yi nnkenyan honho na wommfa honho nnwura ehyiadzi (Ijtema) mu na wonnko Jalsa. Na dem nkoroffo yi wo oman biara a Jama'at wo mu no mu, se hon dodow suar anaa oso o, mbom oman biara mu no dem nkorofu yi wo mu- oye ehiadze de hen adwen ko hon do yie.

Na wonam dem botae yi do, Majlis Khuddamul Ahmadiyya na LajnaImaillah wo de wotwe hon adwen gyina do na woye nhyehyee dze dzi dem dwuma yi. Demara so na Jama'at nhyehyee no gyina dem Kuwmba yi do na woboo mbodzen de wobesesa hon na wotsetse hon sen de wobepia hon ato beebi anaa woyi hon tokyen ka de wosakyer hon a onkyye yie, de wobeka ato gua de wonnye hen nndzi nkitahodzi biara. Mbom, ofa no dem nkorofu yi dze, mpanyimfo etsitsir a wowo Jama'at yi mu no wo de wodze nsem mona ekuwekuw aboafu no osiande otofabi a dem ndzemba yi aboafu no na woka onam kasadzen a mpanyimfo etsitsir ka kyere hon no ntsi. Oye a obeye de hon nsefo na hon etsipenfo na edwumafo mbom kasa kyere hon a wobefa ama aboafu no etum aben hon ma nsesa aba.

Beebiara a dem anamontu yi edu no, onam Nyankopon N'adom do kunyimdzi aba ho. Mbeambea bi Tarbiyyat akyerekyerewfo bi aye nyehyee bi a wonam nyansapow na adwen mu ndandan a dom no wo no do na dem nyehyee yi ama ndzamba ako yie a wonye hon nya nkitahodzipa a woeyi ahohodze biara efi ho. Mbre otse biara hen mbodzembob twar de yepagya henho dze Ahmadiyyanyi biara si yie de mbre hen ahodzen dze hen bodu. Iyi nye dzibewdzinyi biara n'ahyedze. Demara so na otse ma asempatrefo na murrabee na mpenpendo biara a owob Jama'at nyehyee mu na aboafon nyehyee a owob Jama'at mu- oye obiara n'asodzii.

Anohoba Mesia (ANN) no kaa de:

W'asoma me ama medze Nkomhyenyi Kronkron Muhammad (NNN) n'enyimnyam no a ayew no etsim ma m'akyerere akyerere wiadze nokwar no a owob Kuran Kronkron mu no na iyi nyinara rokob do mbom hon akatado esiw hon enyim ma wonnhu. Mbom Kuw yi ada no edzi na ohyeren kob kan de ewia na ododowara ye adasefo ma nsenkyeredze na anwanwadze a osisi dze da Kuw yi edzi de woboboa hon ano wob faakor, hon dodow bodor dodow ma asen ohen biara no nsordaafon wob wiadze yi mu.

Anohoba Mesia (ANN) no kob do ka de:

Ndzemba pii wob ho a wobeda Kuw yi ho nokwar no edzi a oye dzen de yebotum ada ne nyinara edzi. Onam de Islam wonam etsirmodzen na adzesee kwan do guu n'enyim ase ntsi Otumfon Nyankopon ada Kuw yi ne keseye na n'enyimnyam edzi, dem pepereper de mbre woguu n'enyim ase no. na iyi nnye adze a wodze siee wob Anohoba Mesia (ANN) ne mber do. Kwan a Anohoba Mesia (ANN) duaad do maa Nkomhyenyi Kronkron (NNN) ne keseye do na okyerere mu, na onam n'akyerere na ne kasaa do daa Kuran Kronkron no nokwar edzi no wob nara ne mber do no, rokob do sieisiara so. M'aka no mpen pii de se woka nokwarsem yi kyere hon a, oye nhye ma hon de woma ndze do gye to mu de ampaara iynom ye ndzembason na ampaara so de iyi ye ahotsewee Mfatoho a oye Kuran Kronkron onye Nkomhyenyi Kronkron (NNN) ne Bra na ne nkyerekyerere a, nna ampaara yewob mfom mu.

Medze mfatoho bi ama dada a ofa no Canadanyi Onyimnyamfon bi a otsia Islam a oetsintsim Danefo (Danish) hon ehonyi a ofa no Nkomhyenyi Kronkron ho wob ne dawurbob krataa bi ho. Ber a otsee me kasaa na ohun mbre Islam ne nkyerekyererepa tse no, ohu de owob de oda no edzi wob ne dawurbob krataa mu de otsee Ahmadiyya Muslim hon Imam ne kasaa no oagye nokwar no edzi. Na afei ogyee too mu de oaye mfomdo.

Demara so na, m'aka akyerere ankorankor biara wob me nyamesemka a etwa mu kob dada no de America omanyenyi a owob atsenka totoo Islam famufamu wob ne "**Radio**" kasafir do a okasae faa Jumu'ah ho pokyee; ne "**radio**" kasafir yi wob etsiefo a wotwa mu mpempem. Onam iyi do ma Ahmadiyyanyi abrentse bi kyereew nsentsia bi a ofa Islam no nokwar nkyerekyerere a ofa Jumu'ah mbre osi ma ohia na wodze kehye hon "**website**" mu. Afei wokyereew krataa kemaa dem omanyenyi yi kyereew mu kyereew no de dza oka nyina ye nkontompon na de mbre mekaa no de oye omanyenyi a owob atsenka, yesereew de omma hon kwan wob "**radio**" kasafir no do ma openee. Ampaara iyi kyereew no supa a owob.

Dem ntsi Ahmadiyyanyi abrentse bi kesyereew Nokwar a Jumu'ah na Kuran da no edzi na Allah N'adom ara wotsee dem nkyerekyerere mu no ogyee no mfomdo too mu na dom mpempem so na wotsiee dem nkyerekyeremu yi. Na dom nyinara gyeew too mu de onam Ahmadiyya Muslim Jama'at do na woesua nokwarsem yi a ofa Islam ho nkyerekyerere. Na iynom nyinara risi na oye a osi so a oye yie onam nokwar no a Anohoba Mesia (ANN) daa no edzi kyereew hen no na odze too hob maa hen na onam dem botae yi do na Allah No a Oye Osorsornyi no Osomaa no ma obaa wiadze ama oda no edzi akyerere adasa Okomhyenyi Kronkron Muhammad (NNN) ne gyinabew soronko no na odze Kuran Kronkron no, no nokwar no ato ho.

Dem ntsi, iyi na onam Anohoba Mesia (ANN) no do rokob do; na de mbre okaa no pepereper Nkomhyenyi Kronkron (NNN) ne keseye na Kuran Kronkron no nokwar na Islam ne nkyerekyererepa no wonam ne dwumadze do tsintsim no wob wiadze ne fenandze nyinara. Dem dza, nna ntseasee biara nnyi hob a oma yebu henho totooba na mbom yenya akokodur. Susuampaara a Jama'at mu mbofra kenyan honho no wotum ma hon no a wogu Islam ho fi no ama ahotseweefo no a odze bobob adze anaa Buukuu Kronkron no ka hon ano to mu.

Ono ohia ma ankorankor biara de ohu siantsir a odzi mu de obiara gye to mu na ogye nokwar no a ofa Anohoba Mesia (ANN) no dzi. Mbofra a woedzi mfe duebiasa anaa duanan bisa dem nsem yi na hon awofonntum nnyiyi hon ano yie. Womma yenyi Anohoba Mesia (ANN) no ne nsem no ano bio. Iyi ye nsem a woetsi mu na abofo no botum afa na woetsintsim no afaafa anaa nkyekyemu ama hom enya kwankyerere wo ho. Mber bi asofo binom bisaa Anohoba Mesia (ANN) de yeye asor, yefa akwankyen, yegye Kuran Krankron no dzi onye Nkomhyenyi Krankron Muhammad (NNN), so se dem a nna ohia de yegye wo dzi anaa yegye wo to mu?

Anohoba Mesia (ANN) no buaa de:

Hwe, otse de nyimpa a obu de ogye Allah onye Ne Somafo na No Buukuu no dzi, na mbom onnyehye gyedzi n'ahyedze ma- asor, akwankyen, Akwantu Krankron (Hajj), Ntoboa (Zakat) efa tseneneeye na ahotsewee na iyi bon nyinara akwa na dza obema aye bon na efa akwan no a odze nyimpa ko papa ne nyee mu- se obi ye dem akwankyerere nyinara na oammfa annko nyee mu a, dem nyimpa yi nnyi ho kwan de obefre noho de oye Muslimnyi.

Anohoba Mesia (ANN) no ko do ka de:

“Na wonkotum aka de dem nyimpa no adon no.... demara so na nyimpa a onngye nnto mu anaa onngye Anohoba Mesia (ANN) nndzi no anaaso onnhu hia a ohia a owo de ogye Anohoba Mesia (ANN) dzi no, dem nyimpa no so to pitsi de otse ase na onnhu Islam no nokwar no koraa anaa Nkomhye ho hia a ohia na botae a onam do ma Nyankopon N'asomafo ba. Na dem nyimpa yi, nokwar mu, nnye obi a wobegye no ato mu de oye Muslimnyi anaa Nyankopon na No Somafo Nkomhyenyi Krankron (NNN) no hon kadofu. Osiande de mbre Allah dze Ne mbra edua Nkomhyenyi Krankron (NNN) fi Kuran Krankron aba no na demara so na Khalifa a odzi ewie wo Muhammad Adzedzi ber do no wotoo no dzin Anohoba Mesia (ANN) no.

Na nnye iyi nko, wokaa no daadaa kasa mu na mbom ne mbaa ho nsenkyeredze no wotsii mu kasaa ho wo sor mbuukuu nyinara mu. Wo Nwoma Krankron na Ahyemu Fofor no mu, Kuran Krankron nara mu ne mbaa ho nsenkyeredze no wokyerekyere mu. Na nyimpa ahorow nyinara, Kristianfo, Jewfo na Muslimfo rotweon ne mbaa na wogyedzi. De wobeyi no tokyen no nnye Islam ne fabi. Na afei se yebu no de ono nye nyimpa no a Allah dze nsenkyeredze ada no edzi wo sor na asaase yi do- ama afowa dza oka fa noho no wodze yardem no bae na de obofa n'asem ekwir no bosoom a okyer ewia no woyii kyere wo ber a whyee no ara. Dem a nna dem nyimpa yi a sor na asaase edzi noho dase yi wobohu no de oye nyimpa a yebohu no de onye no ko do anaa no nsunsuando biara nneba? Na nkorofu a wopow no no bokko do ara de wobohu hon de woye Muslimfo na Nyankopon N'adofu? Onneba no dem ara da.

Kaa de nsenkyeredze a woka a ofa no Anohoba Mesia (ANN) no ho no, ne nyinara aba mu na basabasaye na bon asee wiadze. Islam ahotseweefo na nwomahufu abo dem ber yi enyikam- mfe mpempem a oto do duanan no mu (14<sup>th</sup> century), de ono nye ber a Anohoba Mesia (ANN) no wo de opuei. Se iyi nyinara ekwir a Islam nwomahufu na ahotseweefo pii dze ano kor edzi ho dase yi na se obi n'adwen mu ye no konsee a, dem nyimpa yi wo de odan ko Kuran Krankron ne mpensampensamu, ohwe Sura Al Nur dza oka. Hwe, de mbre Moses (ANN) n'ekwir mfe apem ahanan no Jesus (ANN) bae no, demara so na Nkomhyenyi Krankron (NNN) n'ekwir mfe apem ahanan no Anohoba Mesia (ANN) aba no, na de mbre Jesus (ANN) beyee Khatamul Khulafa wo Moses (ANN) ber do no demara so na Anohoba Mesia (ANN) no beye Khatamul Khulafa wo Muhammad (NNN) ne ber do no.

Anohoba Mesia (ANN) no aka de, emi nye Khalifa wo mfe opepe a odzi ewie no mu- hon a siesiara wobeba beba abehye n'ase. Dem ntsi Anohoba Mesia (ANN) no a owo de oba wo mfe oha ntoatodo duanan ma ahye nkomhye nyinara no ono nye ampaara Hadhrat Mirza Ghulam Ahmad nara na ohia papaapa de Ahmadiyyanyi biara bekenkan Anohoba Mesia (ANN) no, no mbuukuu. Hon a wonnyim Urdu Kasa n'akenkan- se wotum kenkan Ngyiresi Kasa mu anaa kasa a woka wo aman a wotse mu no a- mbuukuu pii wo kasa horow mu a okyere Anohoba Mesia (ANN) ne mbaa mu papaapa; siantsir a onam do ma owo de yegye no to mu na yedzi no nokwar no ho dase.

Obiara, de oye basia, de oye banyan wo de otse ne gyedzi na ne nhyehyee ase yie. Hom nnya nyiano mma hon a woka hom ndzemba ho nsem anaa wokasa tsia hom. Hom nyi hon ano. Se eye ahoboa a ofata a

woara bosua adze wɔ mu ama etum edze nyiano ama. Se yetre hɛn botae yi mu a, ohia so de, se yedze mbɔdzembɔ a ankorankor a wɔye Ahmadiyyafo wɔde wɔbɔ to nkyɛn a, Jama'at na aboafɔ ekuwekuw no ye hɛn nhyehyee ma ɔba no de dem nsem yi, dem ntsetsee yi bodu kuwba biara do ama woehu botae a ɔnam do ma Anohoba Mesia (ANN) no bae na siantsir a ɔwɔ de yegye no to mu na yedzi no nokwar no ho dase. Dem nsem yi na otwa fa hɛn gyedzi ho.

Afei mepɛ de medan mohɔ kɔ asemɔw a ɔtɔdo ebien no do a ɔfa no hɛn ntsetsee ho. Ono nye dza ɔfa no Kuwmba hɛn nkitahodzi wɔ Khilafat ho. ɔfa no iyi ho no, ɔwɔ de yebɔ Muslim Television Ahmadiyya dzin, adze a Allah dze ama hɛn a ɔma hɛn botae yi kɔdo. Demara so na yewɔ abeefɔr kwan a wodua do bɔ nsem ho dawur a yefre no "alislam.org" website. Dem ntsi ɔwɔ de yedze hɛn enyi tsim do na yeye edwuma dze boa ma Ahmadiyyanyi biara enya kwan wɔ hɛn abefɔr ndzemba yi ho de mbre ase. Demara so na Jama'at nhyehyee, Nazim na Aboafɔ ekuwekuw wɔye no pampamsuom wɔ dem dwumadzi yi ho.

Ahmadiyyafo ankorankor pii wɔ hɔ- anokwarfo na setsie Ahmadiyyafo a wɔba Asɔrfi yi mu betsie Nyamesemka (Khutba) ɔnye binom so a wɔwɔ wiadze ne fenandze nyinara a wodua MTA do tsie Nyamesemka na wɔnntɔ nngu mu- ampaara binom wɔ hɔ a wotsie nyamesemka yi mpen ebien anaa ebiasa. Ampaara so de dem bi so nntsie. Engyiresi Aborakyirman mu binom wɔ hɔ a wonntsie Nyamesemka yi anaade wɔhwe dza ɔrokɔ do wɔ MTA eso wɔmmfa hɛnho nnye dwumadzi biara mu. Jama'at bi mu nkorɔfo pii yee dza otsia hɛn nkyerekyere na ndzeyee ma okehiaa de wɔtwe hɛn aso ma wɔbraa hɛn wɔ hɛn dwumadzi bi ho. Ber a wɔyee nhwehwemu no, ɔdaa edzi de hɛn mu faara nntsie Huzur ne nyamesemka no na hɛn mu faara so mmfa hɛnho nnye Jama'at hɛn dwumadzi mu.

Mbom, ɔnam de Jama'at nkitahodzi nam hɛn bogya mu a ɔbata hɛn nyimpadua no ntsi wɔmaa wodzi nhyehyee bi a ɔtwe hɛn fi ndzemba bi ho na wɔtwe hɛn aso kakra. ɔyee hɛn atsetsee ma wɔhyee ase kyerew krataa beseree akyepa na bɔnfakye. Binom baa m'enyim. Binom kyii nyinsuwa dze paa kyew. Se hɛn adwen da wiadze ndzemba nkotsee do a nkye woenntum anye dem. Dem ntsi nkorɔfo bi wɔ hɔ, ɔnam de wɔdze hɛnho hye wiade ndzemba mu ntsi hɛn adwen nnkɔ hɛn nyamedwuma do, mbom se wɔtwe hɛn adwen kɔ dza wɔreye no do a wɔkyere de hɛn enyim egu ase na wɔsere bɔnfakye fi Nyankopɔn hɔ, na wɔhye ase nu hɛnho na wokenyan hɛnho wɔ Jama'at dwumadzi biara ho. Dem ntsi, dwumadzi a ɔtwe nkorɔfo adwen gyina dem ndzeyee yi do no ye Jama'at nhyehyee no mu bi- Nazim a hɛn mboano ye Akyerekyerewfo, Murabbifo na Asɔfo nye Aboafɔ no, dwuma a ɔwɔ de wodzi nye iyinom.

Bɔ mbɔdzen de ebekenyan ankorankor a wɔwɔ Jama'at yi mu hɛn nkitahodzi wɔ Khilafat ho. Bɔ mbɔdzen de ebekenyan Ahmadiyyafo hɛn akoma, ɔdɔ na nokwardzi na setsie wɔ Khilafat ho. Iyinom nyinara wɔ hɛn akoma mu na se wɔkaakaa kuwmba no na wɔhye hɛn nkuran a wɔhyeren ahoɔfɛw mu; na se fi bi bebata dem ɔdɔ na Khilafat nkitahodzi yi ho a, se wɔkaakaa hɛn a dem fi yi pepa. Se Tarbiyyat edwumamu kɔ do tu kuwmba fo ma wɔto nkitahodzi wɔ Khilafat ho na wɔkɔ do ara twe hɛn adwen kɔ Jama'at nhyehyee na Huzur ne nyamesemka do a, na yebohu de susuampaara a hɛn Khilafat ho nkitahodzi mu ye dzen no, demara so na Tarbiyyat ho nsem yebotum esiesie.

Dza ɔtoa do a mepɛ de motwe obiara n'adwen gyina do nye Ahmadiyyanyi biara n'ahyedze a ɔfa no ntoboa ho-CHANDA.

Kaa de chanda nnye edwumaye ho tow. Nokwar, chanda ye ahyedze no mu kor a wɔabɔ dzin mpen pii wɔ Kuran Krɔnkrɔn mu. Mfatoho nye de: Allah ɔsorsornyi no ka wɔ Kuran ne fabi de:

*Ntsi hom nsuro Allah de mbre hom botum papaapa, na hom nye setsie na hom mbɔ afɔr wɔ No kwan do, ɔbeye papa ama homara, na obiara a wɔbegye no nkwa efir wiadze afefwdze ho no- woyinom na wɔbeye nkunyimdziho no (64:17).*

*Se hom bɔ Allah bosea a odzi mu a, ɔbɔbɔ ho mpen pii ama hom, na ɔdze hom bɔn akye hom, na Allah ye Enyisɔfo, Abodweekyerefo (64:18).*

Ntsi ɔda edzi pefee wɔ nyiyimu yi mu de se esee wo sika wɔ Allah Ne kwan mu a, oye ma gyedzinyi papaapa. Dem nkorɔfo yi bedzi nkunyim wɔ ber a wɔresɛe hɛn sika wɔ Allah No kwan do. Na wɔaka de enam Allah No kwan do resɛe wo sika ye de edze wo sika robɔ Allah bosa. Na Allah ye Obi a otua bosea a

Ɖabɔ ho mbordo mbordo. Na nkorɔfo kyerɛw brɛ me kyerɛ dza osi dɛ wɔmaa chanda a ɔtse dɛ wɔ Allah Ne kwan mu a, Allah dze sanee brɛɛ hɛn ntanta, na m'abɔ dem nsem yi do mpen pii.

Allah yɛ Ghani- Nyia a Ne nsa hyia Noho, na sika nnhia No. ampaara, iyi tsew hɛnho, na ɔkyere mbre hɛn setsie tse, na ɔma ohu mbre hɛn kankɔ wɔ tseneneeye akwan mu tow kɔ, na yehu mbre yesi pon hɛn anohoba a yeaye krado na yebɔbɔ wɔ No kwan mu. Allah frɛ hɛn dɛ, yensee hɛn sika wɔ No kwan mu ama Allah N'asɔr atre akɔ beebiara. Ahmadiyyanyi biara wɔdɛ ɔtse mbre wosi see sika ase wɔ Allah No kwan mu a ɔkyere siantsir a yɛdze chanda ma.

Sɛ yetua ntoboa dɛ mbre yɛbema sikasem mu ɔkyerekyerɛwfo anaa asɔr panyin bi enyi bɛgye hɛnho dza, anaa sɛ yetua dem ntoboa yi dɛ mbre nyimpa a wɔtse dem no nnkɛben hɛn dza, ɔno nhyira nye mfaso biara nnyi sikatua a ɔtse dem yi mu- na ɔbeyɛ mfaso ama onyia no dɛ ɔnnkotua ntoboa no koraa. Demara so na sɛ yetua ntoboa dɛ mbre yenye nyimpa bi besi mpre wɔ sikatua mu ama enyi nyinara ehu dɛ hɛn so yewɔ sikatua mu ahoodzen ara yie dza, ɔno so nhyira nye mfaso biara nndzi ekyir. Iyi ntsi botae biara a okwetsir dɛ yebɔhwehwe Allah N'enyimpa no, nnye botae pa na obiara a ɔrotua ntoboa no wɔ dɛ ɔdwen ho dɛ ampaara ɔyɛ Nyankopɔn N'adom na Ne nhyira na Ɖdze adom no ma dem ntsi o'ɛnya ho ahoodzen dze rotua ntoboa no bi wɔ Nyankopɔn No kwan mu. Iyi nnkyere dɛ sɛ obi tua ntoboa a, nna nyimpa a ɔtse dem no rodom Nyankopɔn anaa dɛ ɔroboa Jama'at no bi.

Dem ntsi nyia biara a oriyi ntoboa no nhu no dɛ, oriyi sika a ɔtse dem no dze ahwehwe Nyankopɔn N'enyimpa na oɛnya N'enyigye so. Sikasem mu afɔrbɔ yɛ ehiadze papaapa ma Jama'at biara a sunsum mu adom taa ekyir. Dem ntsi na m'ama Jama'at nyinara ɛnya no ntsee dɛ, wɔmbɔ mbɔdzen ara dɛ wɔbema Ahmadiyyafo afoforfo nye mbofra nyinara dze hɛnho behye sika afɔrbɔ bi tse dɛ Waqf-e-Jadid nye Tahrik-e-Jadid mu, sɛ woyi sika mpɛsewa kor mpa a, ɔboa ma wonya afɔrbɔ sunsum na wɔbɛka hɛn a wonya Nyankopɔn N'adom ɔnye Ne nhyira no ho.

Anohoba Mesia (ANN) no rekyerekyere ntoboa no ntua mu no, ɔkaa dɛ: Yehu no wiadze yi mu dɛ, nyimpa no dɔ ma ahonya nye egyapadze wɔ sor ara yie. Dem ntsi na mbuukuu a wɔato no dzin dɛ “adaaso mu nkyereasee” no, wɔakyerɛw wɔ mu dɛ sɛ obi nya adaaso bi dɛ oeyi ne mbrebo ama nyimpa fofor a ɔkyere ahonya. Iyi ntsi na ɔaka ato hɔ dɛ, dɛ mbre ibenya nokwar tseneneeye nye sunsum mu ahotsewee no... “Nnkotum ɛnya tseneneeye gyede edze dza edɔ no bɔ afɔr” (3:93).

Nokwar nye dɛ, nyimpa ho ehumbɔbɔr gyina dɛ obi besee n'ahonya wɔ nyimpa ho, na obi ne gyedzi nndzi mu nnwiei gyede ɔdze n'egyapadze bɔ afɔr kɔ nyimpa mboa. Nyimpa bi beye den beye mfaso ama nyimpa fofor sɛ wɔammɔ afɔr annkɔ nyimpa mboa a? Sɛ binom benya woho mfaso a, afɔrbɔ dzi mu akotsen papaapa. Wɔ dem nyiyimu yi ara mu no, ɔka afɔrbɔ ho nsem. Ntsi dɛ, bɔbɔ afɔr ayɛ nyimpa ho edwuma no yɛ susupɔn ma nyimpa ne tseneneeye na no sunsum mu ahotsewee. Dem mpenpendo yi yehun wɔ Hadhrat Abu Bakr ho wɔ ber a Nkɔmhyenyi Krɔnkrɔn (NNN) no kaa dɛ ohia afɔrbɔ bi a ɔtse dem no, ɔdze adze biara a ɔwɔ ne fie no brɛɛ Nkɔmhyenyi (NNN).

Ɖwɔ dɛ Jama'at no mu sikasem mu akyerɛkyerɛwfo no yɛ no ehiadze dɛ wɔbetsetse Kuwba biara wɔ dem kwan yi mu na wɔakyerɛ mu ma wɔatse ase dɛ hɛn tseneneeye nye hɛn gyedzi no mudzi gyina sika afɔrbɔ do. Demara so na murabifo so sɛ akwannya ba mu a, wɔmbɔ mbɔdzen mma kuwba biara a ɔwɔ Jama'at yi mu akwankyerɛ. Iyi hia ahweyie papaapa.

Sikasem mu akyerɛkyerɛwfo no wɔ dɛ wɔbɔ hyew wɔ akwan horow nyinara mu. Hɛn edwuma nye dɛ wɔbɔtɔ akɔ hɛn asedze do na oɛnya nyimpa ho nkitahodzi ama nyimpa biara. Onnyi dɛ ɔba no dɛ dwumason a ɔtse dɛ yi wɔbegyaa ama ekuw horow bi dɛ wɔnye kɛkɛ. Ekuw ahorow no botum ayɛ mboa wɔ dɛ wɔdze afotu bema hɛn kuwmba no, iyi ekyir no edwuma biara nnyi hɔ ma hɛn. Dɛ wobotu hɛn adwen egyina hɛn kuwmba no do na wɔahye hɛn nkuran ma wɔnye sikasem mu akyerɛkyerɛwfo no ayɛ teferebanyinbomu na wɔatse afɔrbɔ sunsum ase. Ɖyɛ sikasem mu akyerɛkyerɛwfo hɛn dwumadzi dɛ wɔbɔbɔ mbɔdzen akɔ efiefi nyinara mu.

Wɔ mber yi mu akwannya ahorow pii na ɔwɔ hɔ wɔ nkanka Europeman mu ha. Wɔ Pakistanman mu no, sikasem mu akyerɛkyerɛwfo no yɛ edwuma da mu no nyinaa ma binom mpo kɔ efiefi wɔ anadwo esuom wɔ kurowpɔn akeseakese bi tse dɛ Lahore na Karachi wɔ ber a nna wɔtse pɔnkɔnan (saakle) do kɔ efiefi

kema hɔn akwankyerɛ na wɔtwe dɔm hɔn adwen gyina iyi do. Wɔ kurow yi mu ha so, akwannya ahorow pii wɔ ha naaso wɔnntum nnye hɔn edwuma dɛ mbre ɔsɛ na ɔfata, meenya no ntsee dɛ, dem sikasem mu akyerɛkyerɛwfo binom mpo nntua ntoboa wɔ kwan a wɔahyehye ato hɔ no do. Sɛ hɔnara hɔn ntoboa tua nndzi mu nnwiei a, ɔbeyɛ den beyɛ na woetum etu afovorfo fo? Na dem edwuma yi, wɔ dɛ wɔdze ɔɔ, tsema nye atsenka soronko yɛ. Ɔtɔfabi a, nyimpa binom hɔn akoma pirim ma ɔba no dɛ gyede wɔkɔ hɔn do mpen kor, ebien, ebiasa araa ma ɔtɔdo mpen anan, mbom ber biara ɔwɔ dɛ edze ɔɔ na tsema kɔ hɔn nkyen na onnyi dɛ ebufuw ahyensew biara kyere wɔ w'enyim.

Mma obiara (ankorankor biara a otua ntoboa) nndwen dɛ; Jama'at nhyehyɛɛ (Nazim) ne yiedzi gyina hɔn ntoboa do ntsi na sikasem mu akyerɛkyerɛwfo no ba no do mpen pii no. Iyi yɛ bɔhyɛ a Nyankopɔn dze hyɛɛ Anohoba Mesia (ANN) dɛ ɔnnkema Kuw yi akɔ ahokyer mu wɔ sikasem mu na ndzɛmba bɔkɔ do dwodwoodwo sɛ ɔyɛ Nyankopɔn Ne pɛ a! (Insha Allah). Mbom nna ne haw ara nye mbre sika biara a ɔbɛba Kuw yi mu no wɔbɛsɛ no wɔ kwanpa do.

Allah, Ɔsorsornyi N'adom ntsi, yɛbɔ hɛnho mbɔdzen dɛ sikasɛɛ biara wɔ Kuw yi mu no, wɔsɛɛ no wɔ kwanpa do. Sɛ yehu wɔ bea bi dɛ wɔnnye ahweyie a, yetwe nyimpa hɔn adwen kɔ ndzɛmba a ɔtsetse dem no do na iyi tsitsiriw ntsi na Sikasem mu Mpensampensamu Egyinatukuw nhyehyɛɛ wɔ Jama'at yi mu no. iyi yɛ Ameerfo a wɔwɔ Jama'at yi mu no hɔn dwumadzi dɛ wɔbɛma enyi akɔ sikasɛɛ ho na nnye dɛ sikasem anaa kaw biara a wɔdze beba no, wɔgyɛ pen dɛ wɔmfa sika nhyɛ mu. Ɔwɔ dɛ Sikasem ho Mpensampensamu Egyinatukuw no bɔ mu hyew na wɔyɛ hɔnara hɔn edwuma wɔ ber a Ameer biara ne nsa nnyi hɔn dwumadzi mu ama nyimpa a wɔtse dem yi etum dze hɔn tum ayɛ edwuma na ɔwɔ dɛ wɔma hɔn tum a ɔtse dem no so.

Wɔ sikasem ho nsem mu no, ma menka nkyerɛ ankorankor biara dɛ MTA kasafir no nye asoɛɛ a hɔn sikasɛɛ kɔ sor papaapa na wɔbɔ ankorankor dawurbɔ nye ntotoserɛ ho dawur na wɔgyɛ sika wɔ dem dwumadzi yi ho; mbom dem dwumadzi yi wɔatow apɛtse wiadze ne fɛnandze nyinara mu na mfir akɛsɛ enum (satellites) nna wɔdze dzi dwuma yi. Na dem kaw yi wɔnnkotum dze sika kakra a wonya no etua. Wɔdze sika a ɔfa Jama'at no dwumadzi ho nhyehyɛɛ so bi tua hɔn kaw no bi. Dem ntsi hom mma hɛn adwen nkɔ dem ehiaɔze yi do. Sɛ nyimpa tsieɛ me nsem a meka no Jalsa Salana ne da a ɔtɔdo ebien no wɔ UK ha a, nkyɛ obiara bohu mbre Allah dze Ne nhyira ahyɛ Jama'at ne sikasem mu na Jama'at no dwumadzi no tserɛwtserɛw na otu mpon. Nyankopɔn N'adom ara ntsi dem sikasem nyinara kɔ kan ɔnam Kuwmba hɔn sika afɔrbɔ ntsi.

Sɛ iyi dem ndzɛmba yi si nkyɛn a, mɛpɛ dɛ motwe adwen kɔ Jama'at nhyehyɛɛ do. Dɛ mbre m'aka no dada no, ohia papaapa dɛ dɔm betsie mber yi do Khalifa ne nyamesemka na akwankyerɛ fofor a ɔdze ma wɔ mber ahorow pii nye nhyiamu ahorow pii mu. Dɛ dzibewdzifo twe hɔn akadofɔ hɔn adwen kɔ iyi ho no, hɔnara so mmbɔ mbɔdzen dɛ wɔbotum ayɛ iyi so.

Ɔyɛ ɔman biara mu Ameer n'edwuma pɛpɛpɛ dɛ, sɛ akwankyerɛ bi anaa nyehyɛɛ bi ba wɔ Khalifa ne Fida nyamesemka no mu a, ɔfa no ntsetsee nye nwomasua ho a, dɛ ɔdze bogu nkrataa do na ntsempaara wɔama Jama'at mu mpanyinfo no hɔn nsa aka na dem nsem na ndzɛmba a ɔtse dem yi wɔbedzi ekyir. Na ɔwɔ dɛ wɔkɔ do yɛ mu mpensampensamu ama woehu bea a wɔdze asem bi bɔto. Iyi yɛ Ameer a ɔwɔ USA Jama'at no mu no no su; ɔyɛ iyi na ofi ber to ber no, ɔdze mbuae ba wɔ dem kwan yi do.

UK yɛ ɔman kumaabi a nkyɛ wɔreyɛ edwuma yi yie papaapa a, nkyɛ wobɛnya nsunsuandopa akyɛn beebiara. Demara so na sɛ mbra anaa nhyehyɛɛ bi fi asɔr yi ne tsir anaa ofi mo hɔ ba a, ɔwɔ dɛ ntsemara wɔtoow pɛtse Jama'at ahorow nyinara mu na ɔwɔ dɛ wodzi ekyir so na wonya ho mbuae. Demara so na onnyi dɛ ɔba no dɛ ɔman bi mu Ameer bɛpaw mantam mu Ameerfo na ɔno dze wɔatsɛna beebi dɛ dem mantam mu Ameerfo yi beyɛ edwuma ama no. Onnyi dɛ ɔba no dem koraa. Iyi nnye kwanpa a wɔfa do yɛ ndzɛmba. M'ahwɛ ehu dɛ, kwan a ɔda okuwmba nye asɔr yi ne tsir no ntamu no, no mu twe ara yie ɔnam iyi ntsi. Nokwar nye dɛ nkorɔfo ahyɛase rodwen dɛ, hɔn nsa nnkotum aka asɔr ne tsir ara da- mekyerɛ hɔn man mu asɔr ne tsir na ɔyɛ ehiaɔze kɛsɛ dɛ tsebea a ɔtsetse dem yi beba ewiei.

Wɔ ha nye mbeambea ahorow mu no, ɔwɔ dɛ wɔyɛ ahweyie dɛ wɔ afe no nyinara mu no, annye bi koraa no, Jama'at ndaanofɔ (Jama'at Presidents) nye Ameerfo no botum edzi ehya beyɛ mpen ebien na wɔadwendwen Jama'at dwumadzi no nkɔdo ho. Edzikanfo a wɔnnye hɔn asɛdze, mpo dɛ wɔrobɔ hɔn kɔkɔ

no nyinara no, wɔmfɔ hɔnhɔ nsem mbre me. Ɖwɔ de wɔye demara so ma akyerɛkyerɛwfo a wɔhwe sikasem, Tarbiyyat nye Tabligh do- se annye mpen ebien mpo a, ɔwɔ de ɔye kor wɔ afe no nyinara mu na wɔma enyi kɔ hɔn dwumadzi ho yie. Se dem akyerɛkyerɛwfo yi bɔ hɔn ho hyew na wɔkenyan hɔnhɔ a, obenya nsunsuandopa pii wɔ asoɛe ahorow a aka no do na hɔn haw pii do botwa.

Ntsi, ofi dem da yi, ɔman biara mu Ameer nye ne nhyehyee nye ne ntotoe de mbre obotum akɔ Jama'at nketsenketse nyinara mu na ɔmma Nazimfo a wɔwɔ Jama'at no mu mbɔ hɔnhɔ hyew na wokenyan hɔnhɔ. Iyi nnye edwumason a ɔye dzen ma UK na aman nketsenketse a no mu nyimpa hɔn nyaa nnye dzen koraa wɔ asɔr n'asoɛe wɔ ɔman no mu. Aman akese bi tse de USA na Canada wɔ de wɔye nhyehyee ama woenya ankorankor nkitahodzi na woetum enya dem ɔhyewbɔ yi ho nsunsuandopa na wɔnhwe de Jama'at biara reye n'asɛdze de mbre ɔwɔ Jama'at nhyehyee mu no.

Adze kor so a m'aka ho nsem mpen pii nye de Jama'at yi mu mba no wɔnkyere hɔn dɔ, ehumbɔbɔr nye tsema. Nsem a mekaa no wɔ Majlis Shoora ase no, wɔmbɔ mbɔdzen ara de dzibewdzifo nyinara nsa beka na Tabshir so nhwe de dem dwumadzi yi rokɔ do. Ɖfa no daadaa edwumaye ho no, mepɛ de meka asem kor ka ho de, edwumamu banodzifo wɔ de wohu hɔnara hɔn mbra na ehiadze na ahyɛdze na hɔn tum. Edwumamu banodzifo biara wɔde ohu ne tum na n'ahyɛdze. Oman no mu Ameer n'ahyɛdze kor nye de se ɔrebepam mantam mu Ameer a, ɔwɔ de wɔkyere bea a n'edwuma na no tum du. Beebiara nnyi hɔ a wɔaye biribi wɔ ho a mobotum aka osiande mennkaa ber a m'anya krataa rekyere de dem osimesi yi wɔapam no de ɔnye Mantam mu Ameer na wɔdze no tum nhyehyee aka ho. Mbɔ 177 kyere iyi mu a ɔda hɔ pefee. Iyi hia ntsi ɔwɔ de enyi kɔ ho. Umarafɔ wɔ de wɔbɔ mbɔdzen sua Mbɔ 215-220 wɔ Mbɔ buukuu no mu na wɔdze dzi dwuma- nkanka ber a wɔrefa apam bi wɔ asem pɔkyee bi ho.

Dem ntsi mepɛ de mekaakaa asɔfo so de wɔnye hɔn ahyɛdze na hɔn ahyɛdze no mu kor nye de wɔbeyɛ nhyehyee dze akyerɛ Kuran Krɔnkrɔn no wɔ Jama'at no mu. Se wɔrokɔ aprɔwɔbɔ a ɔwɔ de wɔbɔ mbɔdzen tsetse dem akyerɛkyerɛfo a wobotum akyerɛ Kuwmba yi Kuran Krɔnkrɔn no. Dem adzekyerɛ yi wɔde ɔkɔ do waawaa, da kor anaa ebien wɔ dapenda mu no nndɔsɔ- wɔ Magrib na Isha ber no wobotum de wɔdze ye adzesua yi. Se sɔfo no annkɔ apɔrɔwɔbɔ na se ɔwɔ hɔ a ɔno nara nkyere adze. Sombo pii reba de yennya obiara ma ɔnkyere hen mba Kuran Krɔnkrɔn ntsi ɔma yɛdze hɔn kɔ hɔn a wɔnye Ahmadiyyafo hɔ. Demara so na ohia ma mbofra no de wɔbekyerɛ hɔn Kaida Yassarnal Kuran. Dem nyee yi hom benya mfaso so de wɔbekyerɛ mbofra no asɔrfi no nkɔree na no nsunsuando bedzi mu dodow na mfaso a ɔwɔ Kuran Krɔnkrɔn ne nkyerɛe no mu wɔ nhyira a ɔda edzi pefee wɔ kwan biara mu.

Asɔfo no so wɔde wɔkaa de mpen pii wofi bea a wɔye edwuma no kɔ bea fofor mfe ebiasa anaa anan biara na se okehia so a ɔndu dem. M'atse efi aman bi mu de ɔtofabi a wɔkyere ntwetweho. Ɖwɔ de wɔdze enyigye gye to mu. Ɖnam Allah N'adom ntsi yennhun bi wɔ UK ha koraa. Odzi mu so de ebekaa de ohia de ebotue Ameer no n'asowa wɔ nsem hia bi ho a ɔfa no Jama'at hɔn ahotsewee ndzeyee wɔ Islam mbɔ (Shari'ah) ho; ɔwɔ de edze botooyɛ na enyidze ye. se wɔanngye afotu no annto mu na ɔdze ɔsee reba Jama'at no mu a anaa nhyehyee bi a ɔwɔ Shari'ah no mu worubu do a, ɔno kwan biara mu no wɔmma mentse. Onnkehia biara de anoyiyi anaa ntsen beba mu, osiande dem ndzeyee yi dze mpaapaamu ba Jama'at no mu. Ɖye nokwar de mber bi mekaa de murabbifo tum twe Umara hɔn adwen gyina Shari'ah n'ehiadze dze naaso iyi wɔ de odua kwankyerɛ yi do.

Ketseankye Allah aboa hen ma yeaye Ahmadiyyafo nokwarfo na Ɖama yeedzi hen ahyɛdze do yie. Se yɛdze Jumu'ah yi kɔ ewie a mebedzi enyim ma yeaye funksie som ama Tanya Khan Sahiba, Asif Khan Sahib a ofi Canada ne yer.

Translated by: 1. Mr. Alhassan Kobina Atta-Wenchie

(Tutor, Jamiatul Mubashireen, Ghana)

2. Mr. Rasheed Possible Essuman Sahib

(Second Year Student, Jamiatul Mubashireen, Ghana)

Downloaded from: [www.jamiatulmubashireen.org](http://www.jamiatulmubashireen.org)

Contact: [www.jamiatulmubashireen.org/contact-us](http://www.jamiatulmubashireen.org/contact-us)